

Bosna i Hercegovina  
Federacija Bosne i Hercegovin

Bosna i Hercegovina  
Federacion of Bosnia Hercegovina



Tuzlanski kanton  
*Općina Kladanj*

Canton of Tuzla  
*Municipalitu Kladanj*

*TELEFONI: telefon/fax : 035 / 628-460*

---

# **SLUŽBENI GLASNIK**

## ***OPĆINE KLADANJ***

***BROJ : 3/09***

***02.06 . 2009. GODINE***

GLASNIK izdaje Stručna Služba Vijeća i Načelnika  
GLASNIK izlazi po potrebi

## **AKTA OPĆINSKOG VIJEĆA**

1. Odluka o dodjeli općinskih priznanja
2. Odluka o izmjeni i dopuni Odluke o uslovima, kriterijima i postupku imenovanja u regulirane organe
3. Odluka o organizovanju i funkcionisanju zaštite i spašavanja
4. Odluka o izmjeni Odluke o utvrđivanju načina, uslova i kriterija stipendiranja učenika i studenta
5. Odluka o utvrđivanju plaće Općinskog pravobranioca
6. Rješenje o imenovanju Općinskog pravobranioca Kladanj
7. Zaključak o prihvatanju Informacije o zaštiti i spašavanju od epidemija i epizotija
8. Zaključak po nacrtu Strategije razvoja Tuzlanskog kantona za period 2008- 2013
9. Zaključak broj : 01-14-1460/09 od 30.04. 2009. godine

Na osnovu člana 38. stav 3. Zakona o pravobranilaštvu („Sl. novine Tuzlanskog kantona“, broj: 4/04 i 5/08) i člana 10. Odluke o osnivanju Općinskog pravobranilaštva Kladanj („Sl. glasnik Općine Kladanj“, broj: 7/99, 1/03 i 5/04) i člana 42. Statuta Općine Kladanj („Sl. glasnik Općine Kladanj“, broj: 1/01, 1/03, 2/04 i 2/05), Općinsko vijeće Kladanj na sjednici od 30.04. 2009. godine, d o n o s i

**R J E Š E N J E**  
**o imenovanju Općinskog pravobranioca Kladanj**

I

Ifeta Hrnjić, dipl. pravnik iz Kladnja, imenuje se za Općinskog pravobranioca Kladanj .

Imenovanje se vrši na period od četiri godine .

II

Rješenje će se objaviti u „Službenom glasniku Općine Kladanj“.

**OPĆINA KLADANJ**  
**OPĆINSKO VIJEĆE**  
Broj : 01- 05-1458/09  
Kladanj ; 30.04. 2009. godine

**PREDSJEDAVAJUĆI**  
Općinskog vijeća  
**Nijaz Čorbić, v.r.**

Na osnovu člana 42. Statuta Općine Kladanj („Sl. glasnik Općine Kladanj, broj: 1/01,1/03, 2/04 i 2/05) i člana 8. i 9. Odluke o općinskim priznanjima („Sl. glasnik Općine Kladanj, broj: 2/04), Općinsko vijeće Kladanj na sjednici od 30.04. 2009. godine , d o n o s i

## **ODLUKU** **o dodjeli općinskih priznanja**

### Član 1.

- I        Zlatna plaketa Općine Kladanj dodjeljuje se :
1. JU Osnovna škola „Stupari“ Stupari
  2. UG Lovačko društvo „Sokolina“ Kladanj
- II        Srebrna plaketa Općine Kladanj dodjeljuje se :
1. „Hidrotehnika“ d.o.o. Kladanj
  2. „B.Hodžić“ d.o.o. Stupari, Kladanj
  3. JZU Dom zdravlja Kladanj
- III       Zlatna značka Općine Kladanj dodjeljuje se :
1. Muhamed Fatić, Sarajevo ,posthumno
  2. Sead Imamović, Stupari
- IV       Srebrna značka Općine Kladanj dodjeljuje se :
1. Prvulović Orlić Jadranko, Kladanj
  2. Muriz Kreho, Kladanj
  3. Hidić Enes, Kladanj
  4. Ahmetspahić Rifet , Gojsalići
  5. Vejzović Hariz, Tarevo

### Član 2.

Uručivanje općinskih priznanja izvršit će se na svečanoj sjednici Općinskog vijeća Kladanj 8. maja 2009. godine.

### Član 3

Odluka stupa na snagu danom donošenja, a objavit će se u „Službenom glasniku Općine Kladanj“.

**OPĆINA KLADANJ**  
**OPĆINSKO VIJEĆE**  
Broj : 01- 05-1438/09  
Kladanj ; 30.04. 2009. godine

**PREDSJEDAVAJUĆI**  
Općinskog vijeća  
**Nijaz Čorbić, v.r.**

Na osnovu člana 42. a u vezi sa članom 122. stav 3. Statuta Općine Kladanj – prečišćen tekst („Sl. glasnik Općine Kladanj“, broj: 1/01,1/03,2/04 i 2/05), razmatrajući nacrt Strategije razvoja Tuzlanskog kantona za period 2008- 2013, Općinsko vijeće Kladanj na sjednici održanoj 30.04. 2009. godine , d o n o s i

## ZAKLJUČAK

I

Općinsko vijeće Kladanj podržava nacrt Strategije razvoja Tuzlanskog kantona za period 2008- 2013 uz stav

- da se organizuje Okrugli sto na temu nacrt Strategije razvoja Tuzlanskog kantona za period 2008- 2013 i da se se zaključci po nacrtu Strategije dostave Ministarstvu za obnovu razvoj i povratak.

II

Zaključak će se objaviti u „Službenom glasniku Općine Kladanj“ .

**OPĆINA KLADANJ**  
**OPĆINSKO VIJEĆE**

Broj: 01-05-1777 /09  
Kladanj,30.04.2009. godine

**PREDSJEDAVAJUĆI**  
Općinskog vijeća  
**Nijaz Čorbić,dipl.ing.**

Na osnovu člana 42. a u vezi sa članom 122. stav 3. Statuta Općine Kladanj – prečišćen tekst („Sl. glasnik Općine Kladanj“, broj: 1/01,1/03,2/04 i 2/05), razmatrajući Izvještaj o izvršenju Budžeta Općine Kladanj za period 01.01.-31.12.2008.godine i Izvještaj o korištenju sredstava budžetske rezerve za period 01.01.2008.-31.12.2008.godine Općinsko vijeće Kladanj na sjednici održanoj 30.04. 2009. godine , d o n o s i

## ZAKLJUČAK

I

- Da Ured za reviziju institucija Federacije BiH uradi reviziju izvršenja Budžeta Općine Kladanj za period 01.01.-31.12.2008.godine i reviziju utroška sredstava budžetske rezerve za period 01.01.2008.-31.12.2008.godine.

II

Zaključak će se objaviti u „Službenom glasniku Općine Kladanj“ .

**OPĆINA KLADANJ**  
**OPĆINSKO VIJEĆE**

Broj: 01-14-1460 /09  
Kladanj,30.04.2009. godine

**PREDSJEDAVAJUĆI**  
Općinskog vijeća  
**Nijaz Čorbić, dipl.ing.**

Na osnovu člana 42. a u vezi sa članom 122. stav 3. Statuta Općine Kladanj – prečišćen tekst („Sl. glasnik Općine Kladanj“, broj: 1/01,1/03,2/04 i 2/05), Općinsko vijeće Kladanj na sjednici održanoj 30.04. 2009. godine , d o n o s i

## ZAKLJUČAK

I

Prihvata se Informacija o zaštiti i spašavanju od epidemija i epizotija.

II

Zaključak će se objaviti u „Službenom glasniku Općine Kladanj“ .

**OPĆINA KLADANJ**  
**OPĆINSKO VIJEĆE**

Broj: 01-44 -1457/09  
Kladanj, 30.04.2009. godine

**PREDSJEDAVAJUĆI**  
Općinskog vijeća  
**Nijaz Čorbić, v.r.**

Na osnovu člana 29. stav 1. tačka 1. i člana 30. Zakona o zaštiti i spašavanju ljudi i materijalnih dobara od prirodnih i drugih nesreća ("Sl. novine FBiH", broj: 39/03 i 22/06) i člana 42. Statuta Općine Kladanj - prečišćen tekst ( " Službeni glasnik Općine Kladanj" broj: 1/01, 1/03, 2/04 i 2/05 ), Općinsko vijeće Kladanj na sjednici održanoj 30.04.2009. godine , d o n o s i

## **ODLUKU o organizovanju i funkcionisanju zaštite i spašavanja**

### I - OSNOVNE ODREDBE

#### Član 1.

Ovom Odlukom utvrđuje se način organizovanja i funkcionisanja sistema zaštite i spašavanja i osigurava jedinstvena organizacija sistema zaštite i spašavanja ljudi i materijalnih dobara od prirodnih i drugih nesreća općine Kladanj s ciljem sprečavanja pojave opasnosti, smanjenja broja nesreća i žrtava te otklanjanja i ublažavanja štetnih djelovanja i posljedica od prirodnih i drugih nesreća.

#### Član 2.

Organizovanje i funkcionisanje zaštite i spašavanja na području općine se vrši na način i postupak utvrđen Zakonom o zaštiti i spašavanju ljudi i materijalnih dobara od prirodnih i drugih nesreća ("Sl. novine FBiH", broj: 39/03 i 22/06), podzakonskim aktima i propisima kantona koji uređuju oblast zaštite i spašavanja i ovom Odlukom.

#### Član 3.

Poslovi zaštite i spašavanja ljudi i materijalnih dobara od prirodnih i drugih nesreća su od općeg interesa za općinu Kladanj, a ostvaruju se putem civilne zaštite koja predstavlja organizovan oblik zaštite i spašavanja.

#### Član 4.

Dan civilne zaštite Federacije Bosne i Hercegovine je 1. mart - Svjetski dan civilne zaštite.

### II - PRAVA I DUŽNOSTI U ZAŠTITI I SPAŠAVANJU

#### Član 5.

U cilju organizovanog učešća građana u zaštiti i spašavanju regulisana su prava i dužnosti građana, privrednih društava i drugih pravnih lica koja oni imaju u odnosu na zaštitu i spašavanje od svih vrsta prirodnih i drugih nesreća.

#### Građani

#### Član 6.

Dužnosti građana u zaštiti i spašavanju:

- Da organiziraju zaštitu i spašavanje u okviru lične i uzajamne zaštite;
- Da učestvuju u civilnoj zaštiti;
- Da učestvuju u obavezi davanja materijalnih sredstava;
- Da se obučavaju i osposobljavaju za sprovođenje lične i uzajamne zaštite i mjera zaštite i spašavanja;
- Da budu raspoređeni u štabove, jedinice i povjerenike civilne zaštite ili u službe zaštite i spašavanja;
- Da obavještavaju nadležni organ o podacima značajnim za zaštitu i spašavanje;
- Da daju podatke značajne za vođenje evidencije u oblasti zaštite i spašavanja;
- Da učestvuju u zaštiti i spašavanju;
- Da se odazovu pozivu nadležnog organa civilne zaštite u vrijeme i na mjesto određeno u pozivu.

#### Član 7.

Pored dužnosti građani imaju i posebna prava u zaštiti i spašavanju. To su:

- Pravo da traže ocjenu zdravstvene sposobnosti za učešće i obučavanje u civilnoj zaštiti;
- Pravo da dobrovoljno učestvuju u civilnoj zaštiti;
- Pravo na novčanu naknadu za učešće u civilnoj zaštiti;
- Pravo na novčanu naknadu za građane koji samostalno obavljaju neku djelatnost;
- Pravo na novčanu naknadu za građane koji se nalaze u radnom odnosu;
- Pravo na zdravstvenu zaštitu i penzijsko i invalidsko osiguranje;
- Pravo na jednokratnu novčanu pomoć;
- Pravo na prijevoz, smještaj i ishranu za vrijeme učešća u zaštiti i spašavanju, obuci ili vježbi;
- Pravo na naknadu za uništenu ili oštećenu vlastitu odjeću i obuću;
- Pravo građanina koji obavlja kurirske poslove u civilnoj zaštiti na priznavanje statusa pripadnika civilne zaštite.

#### Član 8.

U zaštiti i spašavanju dužni su učestvovati radno sposobni građani od 18 do 60 godina života (muškarci), odnosno od 18. do 55 godina života (žene).

#### Član 9.

U civilnu zaštitu se ne raspoređuju:

- Lica na službi u Oružanim snagama BiH;
- Službenici i namještenici organa unutrašnjih poslova, pripadnici policije i kazneno popravnih ustanova;
- Trudnice, majke malodobne djece i samohrani roditelji kao i staratelji malodobne djece bez roditelja;
- Lica proglašena nesposobnim za služenje u civilnoj zaštiti.

#### Član 10.

Zdravstvenu sposobnost građana za obučavanje i učešće u civilnoj zaštiti utvrđuju nadležne zdravstvene ustanove u skladu sa propisima.

Privredna društva i druga pravna lica

## Član 11.

Privredna društva i druga pravna lica (u daljem tekstu: pravna lica) koja obavljaju djelatnosti iz oblasti: zdravstva, veterinarstva, stambenih i komunalnih poslova, vodoprivrede, šumarstva, poljoprivrede, rudarstva, građevinarstva, transporta, opskrbe, ugostiteljstva i vatrogastva, a koja su od značaja za zaštitu i spašavanje ljudi i materijalnih dobara od prirodnih i drugih nesreća, dužna su organizovati i provoditi poslove zaštite i spašavanja u skladu sa Zakonom o zaštiti i spašavanju, podzakonskim aktima, drugim propisima i ovom Odlukom.

U toku vođenja akcija zaštite i spašavanja ljudi i materijalnih dobara od prirodnih i drugih nesreća, pravna lica iz stava 1. ovog člana su dužna provoditi odluke Općinskog štaba civilne zaštite.

## Član 12.

U izvršavanju poslova iz člana 7. pravna lica provode odgovarajuće pripreme, donose i razrađuju planove zaštite i spašavanja za svoje djelovanje u zaštiti i spašavanju, planiraju i osiguravaju materijalnotehnička sredstva za provođenje mjera zaštite i spašavanja te organiziraju jedinice i povjerenike civilne zaštite, opremaju te jedinice i povjerenike potrebnom opremom i sredstvima i osposobljavaju ih za njihovo učešće u zaštiti i spašavanju.

## Član 13.

Pravna lica, vlasnici i korisnici telekomunikacijskih i informacijskih sistema i veza dužni su dati prioritet u korištenju tih sistema i veza Operativnom centru i Općinskom štabu civilne zaštite kada rukovode akcijama zaštite i spašavanja.

## III - NADLEŽNOSTI OPĆINSKIH ORGANA VLASTI

### Član 14.

Organizacija zaštite i spašavanja, prema ovoj Odluci, ostvaruje se organizovanjem i preduzimanjem sljedećih mjera i aktivnosti:

- Otkrivanje, praćenje i sprečavanje pojave opasnosti od prirodnih i drugih nesreća;
- Obavješćavanje stanovništva o opasnostima i davanje uputstava za zaštitu i spašavanje;
- Obučavanje i osposobljavanje za zaštitu i spašavanje;
- Organiziranje, opremanje, obučavanje i osposobljavanje civilne zaštite i uspostavljanje i održavanje drugih vidova zaštite i spašavanja;
- Mobilizacija i aktiviranje snaga i sredstava za zaštitu i spašavanje;
- Otklanjanje posljedica prirodnih i drugih nesreća do osiguranja osnovnih uvjeta za život;
- Pružanje pomoći susjednim općinama u slučaju prirodne ili druge nesreće;
- Traženje pomoći iz zemlje i inostranstva u slučaju prirodne ili druge nesreće.

## Općinsko vijeće

### Član 15.

U ostvarivanju prava i dužnosti u oblasti zaštite i spašavanja, Općinsko vijeće:

- Donosi Odluku o organizovanju i funkcionisanju zaštite i spašavanja Općine i osigurava njeno provođenje;
- Donosi Program razvoja zaštite i spašavanja od prirodnih i drugih nesreća Općine;
- Planira i utvrđuje izvore finansiranja za izvršavanje poslova zaštite i spašavanja iz nadležnosti Općine;
- Donosi akte o osnivanju Općinskog štaba civilne zaštite;
- Vrš i druge poslove zaštite i spašavanja, u skladu sa zakonom, drugim propisima i općim aktima.

## Općinski načelnik

### Član 16.

U ostvarivanju prava i dužnosti u oblasti zaštite i spašavanja, Općinski načelnik:

- Organizuje Operativni centar u Općini u skladu sa Zakonom i osigurava njegovo funkcionisanje;
- Donosi akte o postavljenju komandanta i načelnika štaba i određivanju funkcija u općinskim službama za upravu čiji su nosioci po položaju članovi Općinskog štaba civilne zaštite;
- Donosi akte o postavljenju komandanta i načelnika štaba i članova štaba u štabovima civilne zaštite koji se obrazuju u mjesnim područjima u skladu sa ovom Odlukom;
- Usvaja Procjenu ugroženosti područja Općine od prirodnih i drugih nesreća;
- Donosi Plan zaštite i spašavanja od prirodnih i drugih nesreća Općine;
- Razmatra stanje zaštite i spašavanja na području Općine i utvrđuje mjere za razvoj i usavršavanje zaštite i spašavanja od prirodnih i drugih nesreća kroz Program razvoja zaštite i spašavanja;
- Proglašava stanje prirodne i druge nesreće i naređuje upotrebu snaga i sredstava civilne zaštite, službi za upravu, privrednih društava i drugih pravnih lica sa područja Općine na prevenciji, ublažavanju i otklanjanju štetnih posljedica od prirodnih i drugih nesreća po ljude i materijalna dobra na području Općine;
- Proglašava prestanak prirodne i druge nesreće na području Općine;
- Naređuje mobilizaciju građana i njihovih sredstava i sredstava pravnih lica, samostalnih privrednika, državnih organa kao i jedinica, štabova, povjerenika i službi za zaštitu i spašavanje;
- Planira i utvrđuje izvore finansiranja za izvršavanje poslova zaštite i spašavanja iz nadležnosti općine;
- Vrš i druge poslove zaštite i spašavanja, u skladu sa zakonom, drugim propisima i općim aktima.

## Organi uprave

### Član 17.

Općinski organi uprave u okviru svojih prava i dužnosti utvrđenih zakonom, Statutom Općine i drugim propisima, u oblasti zaštite i spašavanja ljudi i materijalnih dobara od prirodnih i drugih nesreća, izvršavaju i obezbjeđuju izvršavanje zakona, drugih propisa i općih akata.

Za sprovođenje aktivnosti na organizovanju i sprovođenju mjera zaštite iz svoje nadležnosti kao i za stanje u toj oblasti direktno su odgovorne sljedeće općinske službe:

1. Služba za finansije, poduzetništvo i lokalni ekonomski razvoj
2. Služba za društvene djelatnosti i opću upravu
3. Služba za civilnu zaštitu i poslove boračko invalidske zaštite
4. Služba za geodetske, imovinsko pravne poslove i prostorno uređenje
5. Stručna služba Općinskog vijeća i Općinskog načelnika

Služba za civilnu zaštitu i poslove boračko invalidske zaštite Općine u oblasti zaštite i spašavanja obavlja sljedeće poslove:

- Organizuje, priprema i provodi zaštitu i spašavanje;
- Izrađuje Procjenu ugroženosti područja Općine od prirodnih i drugih nesreća;
- Priprema Program razvoja zaštite i spašavanja od prirodnih i drugih nesreća Općine;
- Predlaže Plan zaštite i spašavanja od prirodnih i drugih nesreća Općine;
- Razmatra stanje zaštite i spašavanja na području Općine i utvrđuje mjere za razvoj i usavršavanje zaštite i spašavanja od prirodnih i drugih nesreća;
- Organizuje, izvodi i prati realizaciju obuke građana na provođenju lične i uzajamne zaštite;
- Organizuje i koordinira provođenje mjera zaštite i spašavanja te organizuje i provodi poslove zaštite od požara i vatrogastvo, predlaže program samostalnih vježbi i izrađuje elaborat za izvođenje vježbi civilne zaštite na području Općine;
- Organizuje rad Operativnog centra;
- Vršiti popunu struktura civilne zaštite ljudstvom i osigurava njihovo materijalno-tehničko opremanje te organizuje, izvodi i prati realizaciju obuke;
- Priprema propise u oblasti zaštite i spašavanja iz nadležnosti Općine;
- Vodi propisane evidencije i vrši i druge poslove zaštite i spašavanja, u skladu sa zakonom, drugim propisima i općim aktima.

Općinske službe za upravu naročito su obavezne da:

- Učestvuju u izradi planskih dokumenata: Procjene ugroženosti, Programa razvoja i Plana zaštite i spašavanja;
- Prate stanje priprema zaštite i spašavanja i predlažu mjere za razvoj i unapređenje zaštite;
- Učestvuju u organizaciji i prate realizaciju obuke civilne zaštite, građana i pravnih lica;
- Učestvuju u organizaciji i koordiniraju provođenje mjera zaštite i spašavanja iz svoje nadležnosti;
- Predlažu program vježbi i učestvuju u izradi elaborata za izvođenje vježbi iz oblasti zaštite i spašavanja;
- Učestvuju u pripremi propisa u oblasti zaštite i spašavanja iz nadležnosti općine.

Organi uprave su dužni da zadatke iz stava 4. ovog člana razrađuju u svojim planovima rada.

### Prava i dužnosti mjesnih zajednica

#### Član 18.

Mjesna zajednica, u okviru svojih prava i dužnosti u organizovanju i ostvarivanju zaštite i spašavanja od prirodnih i drugih nesreća naročito:

- Organizuje i osposobljava građane za sprovođenje zadataka i mjera zaštite;

- Planira i organizuje mjere zaštite;
- Planira, organizuje radne jedinice od svih građana i provodi njihovu mobilizaciju radi učešća u zaštiti i spašavanju;
- Organizuje i obezbjeđuje prihvata i zbrinjavanje evakuisanih građana i materijalnih dobara;
- Organizuje i održava red za vrijeme prirodne i druge nesreće;
- Obezbjeđuje informisanje građana o opasnostima od prirodnih i drugih nesreća, posljedicama i mjerama koje se preduzimaju na zaštiti i otklanjanju posljedica;
- Organizuje, planira i ostvaruje zaštitu i spašavanje u okviru mjesne zajednice;
- Sarađuje sa štabom civilne zaštite mjesnog područja i preduzeća na području mjesne zajednice u pitanjima od zajedničkog interesa i u tom pogledu mogu udruživati snage i sredstva za zaštitu od prirodnih i drugih nepogoda na području mjesne zajednice uz saglasnost Općinskog štaba civilne zaštite.

#### Član 19.

Mjesna zajednica u Statutu ili drugom aktu uređuje način organizovanja i ostvarivanja zaštite od prirodnih i drugih nesreća na području mjesne zajednice, utvrđuje nadležnost organa mjesne zajednice, kao i način angažovanja građana u zaštiti i spašavanju.

### IV - STRUKTURE CIVILNE ZAŠTITE

#### Lična i uzajamna zaštita

#### Član 20.

Svi radno sposobni građani općine, od 18 do 60 godina života (muškarci), odnosno od 18 do 55 godina života (žene), su dužni da se pripremaju za učešće i da učestvuju u zaštiti i spašavanju.

Lica raspoređena u strukture civilne zaštite će se smatrati obveznicima civilne zaštite.

#### Član 21.

Propisane mjere i postupci preventivne zaštite i druge hitne intervencije u zaštiti i spašavanju ljudi i materijalnih dobara, u okviru lične i uzajamne zaštite, građani provode svakodnevno s ciljem sprečavanja nastanka i širenja prirodne ili druge nesreće većih razmjera.

#### Mjere zaštite i spašavanja

#### Član 22.

Mjere i postupci zaštite i spašavanja se utvrđuju planovima zaštite i spašavanja od prirodnih i drugih nesreća.

## Član 23.

Planovi zaštite i spašavanja mjesnih područja moraju biti usklađeni s Planom zaštite i spašavanja Općine.

Planovi se usklađuju samo u pitanjima u kojima se određuju zadaci za određene nosioce civilne zaštite.

## Štabovi civilne zaštite

## Član 24.

Za rukovođenje akcijama zaštite i spašavanja na teritoriji općine Kladanj, te za obavljanje drugih poslova u zaštiti i spašavanju ljudi i materijalnih dobara od prirodnih i drugih nesreća, odnosno za provođenje vlastitih priprema za uspješno vršenje operativne funkcije iz svoje nadležnosti (pripreme, obuke i osposobljavanje) obrazuje se Općinski štab civilne zaštite Kladanj kao stručno-operativni organ.

## Član 25.

Štab civilne zaštite funkcionira u miru samo onda kada Općinski načelnik, na prijedlog rukovodioca Službe za civilnu zaštitu i poslove boračko invalidske zaštite, proglasi da je nastalo stanje prirodne i druge nesreće na području općine, odnosno, kada treba preventivno djelovati prije nastanka prirodne i druge nesreće, kao i za vrijeme vježbi civilne zaštite.

Štab svoje funkcije ostvaruje prema potrebi i to onda kada razmatra stanje priprema, organizovanosti, opremljenosti i osposobljenosti svih nosilaca zaštite i spašavanja na području općine i kada predlaže mjere za poboljšanje sistema zaštite i spašavanja.

Štab u ratu i za vrijeme neposredne ratne opasnosti funkcionira stalno.

## Član 26.

Pripreme za normalno funkcioniranje Štaba vrši Služba za civilnu zaštitu i poslove boračko invalidske zaštite tokom svojih redovnih aktivnosti.

## Član 27.

Tokom rukovođenja akcijama zaštite i spašavanja, Štab poduzima mjere zaštite i spašavanja na osnovu primljenih informacija od Operativnog centra i ličnog saznanja i uvjerenja članova Štaba, te usaglašenih zajedničkih procjena, na osnovu kojih:

- Odlučuje o upotrebi snaga i sredstava civilne zaštite za zaštitu i spašavanje ugroženih i stradalih ljudi i materijalnih dobara i te snage raspoređuje na ona područja koja su ugrožena;
- Odlučuje o privremenom smještaju ugroženih ljudi i materijalnih dobara;
- Naređuje provođenje odgovarajućih mjera zaštite i spašavanja i određuje snage i sredstva koje će provoditi te mjere;
- Naređuje štabovima civilne zaštite koji su osnovani na području općine, povjerenicima i službama zaštite i spašavanja koje formira Općinski načelnik, radi učestvovanja na preduzimanju mjera i aktivnosti na zaštiti i spašavanju na ugroženom području;

- Naređuje angažovanje snaga i sredstava civilne zaštite sa jednog mjesnog područja na ugroženo drugo mjesno područje u okviru područja općine;
- Usmjerava, koordinira i rukovodi akcijama zaštite i spašavanja svih učesnika angažovanih na zaštiti i spašavanju na svome području;
- Rješava sva pitanja koja se u toku provođenja aktivnosti na zaštiti i spašavanju pojave u vezi sa angažovanjem snaga i sredstava civilne zaštite i provođenjem mjera zaštite i spašavanja i samozaštite građana;
- Provodi naredbe Kantonalnog i Federalnog štaba civilne zaštite, te vrši druge poslove i zadatke u vezi sa zaštitom i spašavanjem.

#### Član 28.

Štabovi civilne zaštite u mjesnim zajednicama kao i u pravnim licima se mogu osnovati za područje jednog ili više naseljenih mjesta, odnosno za jedno ili više pravnih lica.

#### Član 29.

Obrazuju se štabovi civilne zaštite u mjesnim područjima i to:

- Za naseljena mjesta: Brateljevići, Plahovići, Buševo, Centar, Drum, Borak, Podglavica, Bare i Gojakovići formira se Štab civilne zaštite mjesnog područja Kladanj;
- Za naseljena mjesta: Stari Tuholj, Goletići, Brdo, Suljići, Pauč i Meškovići formira se Štab civilne zaštite mjesnog područja Tuholj;
- Za naseljena mjesta: Bare, Avdići, Valovići, Trpići, Mušići i Trnak formira se Štab civilne zaštite mjesnog područja Tarevo;
- Za naseljeno mjesto Turalići formira se Štab civilne zaštite mjesnog područja Turalići;
- Za naseljena mjesta: Brlošci, Rujići, Suha, Krivajevići, Nočajevići, Dubrava, Stupari Centar, Stupari Selo, Čitluk, Luke, Novo Naselje, Crijevčići i Brgule formira se Štab civilne zaštite mjesnog područja Stupari;
- Za naseljena mjesta: Imamovići, Starič, Gazdići, Trnovače, Prijedor, Ravne i Gojsalići formira se Štab civilne zaštite mjesnog područja Starič.

#### Član 30.

U rukovođenju akcijama zaštite i spašavanja štabovi civilne zaštite mjesnih područja vrše sljedeće poslove:

- naređuju provođenje odgovarajućih mjera zaštite i spašavanja i određuju snage i sredstva koje će provoditi te mjere;
- usmjeravaju, koordiniraju i rukovode akcijama zaštite i spašavanja svih učesnika angažiranih na zaštiti i spašavanju na svome području;
- rješavaju sva pitanja koja se u toku provođenja aktivnosti na zaštiti i spašavanju pojave u vezi sa angažiranjem snaga i sredstava civilne zaštite i provođenja mjera zaštite i spašavanja i samozaštite građana,
- izrađuje i ažurira planska dokumenta iz oblasti zaštite i spašavanja.

#### Član 31.

Štabovi civilne zaštite sastoje se od tri funkcije i to: komandanta, načelnika i članova štaba u skladu sa kriterijima određenim u članu 114. Zakona o zaštiti i spašavanju ljudi i materijalnih dobara od prirodnih i drugih nesreća (" Sl. novine FBiH", broj:39/03 i 22/06), (u daljem tekstu: Zakon o zaštiti i spašavanju) .

Komandanta, načelnika i članove štaba iz stava 1. ovog člana postavlja i razrješava Općinski načelnik na prijedlog Službe za civilnu zaštitu i poslove boračko invalidske zaštite.

#### Član 32.

Za izvršavanje složenijih zadataka zaštite i spašavanja Štab može angažovati i druge državne službenike iz Općine, eksperte i stručnjake.

O angažovanju lica iz stava 1. ovog člana odlučuje komandant Štaba na prijedlog načelnika Štaba ili nekog od članova Štaba.

#### Član 33.

Ličnu i materijalnu formaciju štabova civilne zaštite iz predhodnog člana, svojom odlukom utvrđuje Općinski načelnik na prijedlog Službe za civilnu zaštitu i poslove boračko invalidske zaštite.

#### Povjerenici civilne zaštite

#### Član 34.

Povjerenici civilne zaštite (u daljem tekstu: povjerenik) predstavljaju organizovanu strukturu civilne zaštite i određuju se u naseljenim mjestima, dijelovima naselja, selima, zaseocima, stambenim zgradama, organima uprave i službama za upravu, drugim organima, ustanovama i pravnim licima koja ne formiraju štabove civilne zaštite,

#### Član 35.

Planom zaštite i spašavanja Općine se vrši određivanje broja povjerenika, mjesta njihovog djelovanja, razrada njihovih poslova i zadataka u miru, način rada za vrijeme prirodnih i drugih nesreća, neposredne ratne opasnosti i u ratu, a sve u skladu sa utvrđenim kriterijima.

#### Član 36.

Postavljenje i razrješanje povjerenika se vrši izdavanjem rješenja koje donose nadležni organi utvrđeni u članu 119. Zakona o zaštiti i spašavanju.

## Službe zaštite i spašavanja

### Član 37.

Općinski načelnik, na prijedlog Službe za civilnu zaštitu i poslove boračko invalidske zaštite, određuje pravna lica i udruženja građana kod kojih će se organizirati služba zaštite i spašavanja koja će djelovati na području općine.

### Član 38.

U slučaju kada ne postoje uslovi za organiziranje službi zaštite i spašavanja u skladu sa članom 122. Zakona o zaštiti, Općinski načelnik, na prijedlog Službe za civilnu zaštitu i poslove boračko invalidske zaštite, može, u skladu sa Procjenom ugroženosti, formirati samostalne službe zaštite i spašavanja koje će djelovati na području općine.

## Jedinice civilne zaštite

### Član 39.

Jedinice civilne zaštite predstavljaju osnovnu organiziranu snagu civilne zaštite koja djeluje kao posebni operativni sastavi ljudi koji su pokretni i opremljeni odgovarajućom opremom i sredstvima za obavljanje zadataka u zaštiti i spašavanju.

Jedinice Civilne zaštite na području Općine se formiraju kao jedinice opće i specijalizovane namjene.

### Član 40.

Jedinice opće namjene se formiraju na načelima teritorijalne popune kao timovi, odjeljenja i vodovi, a organizuju se, opremaju i obučavaju za izvršavanje zadataka na području za koje su osnovani.

Jedinice opće namjene jačine voda se mogu upotrijebiti kao ispomoć i van područja za koje su osnovani, o čemu odlučuje nadležni štab civilne zaštite uz saglasnost Općinskog štaba civilne zaštite.

### Član 41.

Jedinice opće namjene kao timovi i odjeljenja formiraju se u stambenim zgradama, naselju ili dijelu naselja u skladu sa vlastitim potrebama, a za mjesno područje se može formirati jedinica jačine voda.

Jedinice opće namjene iz stava 1. ovog člana formiraju štabovi civilne zaštite mjesnih područja uz predhodno pribavljenu saglasnost Službe za civilnu zaštitu i poslove boračko invalidske zaštite Općine.

Jedinice opće namjene jačine tri voda se formira pri Općinskom štabu civilne zaštite za potrebe Općine.

Jedinice iz stava 3. ovog člana u Općini formira Općinski načelnik na prijedlog Službe za civilnu zaštitu i poslove boračko invalidske zaštite Općine.

#### Član 42.

Općinski načelnik, na prijedlog Službe za civilnu zaštitu i poslove boračko invalidske zaštite Općine, organizuje specijalizovane jedinice civilne zaštite Općine koje obavljaju složenije poslove zaštite i spašavanja na cijelom području općine kada snage i sredstva pravnih lica i službe zaštite i spašavanja, te jedinice civilne zaštite opće namjene nisu dovoljne za ostvarivanje efikasne zaštite i spašavanja na području općine.

#### Član 43.

*Specijalizirane jedinice mogu se formirati za :*

- *zaštitu od požara;*
- *prvu medicinsku pomoć;*
- *zaštitu i spašavanje iz ruševina;*
- *asanacija terena - jačine voda;*
- *zaštitu i spašavanje od NUS-a;*
- *RHB zaštitu.*

Mogu se formirati i druge specijalizovane jedinice u skladu sa Procjenom ugroženosti, s tim što dvije ili više općina mogu organizovati i zajedničke jedinice.

#### Član 44.

Općinski načelnik će, na prijedlog Službe za civilnu zaštitu i poslove boračko invalidske zaštite Općine, svojim propisom regulisati lične i materijalne formacije jedinica opće i specijalizovane namjene.

#### Član 45.

Prema ukazanoj potrebi, na zahtjev nadležnih organa, specijalizovane jedinice se mogu angažovati na pružanju pomoći van područja općine.

#### Rukovođenje i upotreba snaga i sredstava

#### Član 46.

Općinski načelnik je dužan da odmah po saznanju da prijete neposredna opasnost od prirodne nesreće ili je nastala prirodna i druga nesreća, samoinicijativno ili na prijedlog Službe za civilnu zaštitu i poslove boračko invalidske zaštite Općine, odlukom utvrditi nastanak prirodne nesreće.

Odlukom iz predhodnog stava se utvrđuje:vrsta prirodne nesreće, vrijeme nastanka i područje koje je zahvaćeno prirodnom nesrećom.

#### Član 47.

Naredba o angažovanju i upotrebi snaga i sredstava sadrži: vrstu i jačinu snaga i sredstava koja se angažuju, područje na kojem će se angažovati, mjere koje će se poduzimati, obezbjeđenje smještaja, ishrane i obezbjeđenje drugih potreba angažovanih snaga i sredstava.

#### Član 48.

Općinski štab civilne zaštite u rukovođenju akcijama zaštite i spašavanja postupa u skladu sa svojim ovlaštenjima koja su utvrđena zakonom i drugim propisima, s tim što se određena ovlaštenja štaba bliže razrađuju u Planu zaštite i spašavanja.

Općinski štab civilne zaštite u toku provođenja akcija zaštite i spašavanja dužan je postupati po principu subordinacije između štabova koji učestvuju u akcijama zaštite i spašavanja na ugroženom području.

#### Član 49.

Općinski štab civilne zaštite je dužan prije donošenja naredbe o upotrebi snaga i sredstava civilne zaštite utvrditi sljedeće činjenice:

- Izvršiti procjenu prirodne ili druge nesreće u smislu vrste i intenziteta djelovanja;
- Odrediti područje na kojem djeluje ta nesreća;
- Odrediti vrste posljedica koje mogu nastati ili su već nastale;
- Izvršiti procjenu potrebnih snaga koje treba angažovati.

### V PROGRAMIRANJE I PLANIRANJE

#### Član 50.

Programiranje i planiranje u okviru zaštite i spašavanja će se rješavati kroz tri planska dokumenta i to:

- Procjenu ugroženosti
- Program razvoja zaštite i spašavanja
- Plan zaštite i spašavanja.

Planska dokumenta predstavljaju osnovne dokumente kojima se utvrđuje cjelokupna organizacija i način funkcionisanja sistema zaštite i spašavanja na području općine Kladanj.

Izrada ovih dokumenata vršit će se u skladu sa Zakonom i drugim propisima.

### VI OBUČAVANJE I OSPOSOBLJAVANJE

#### Član 51.

Obučavanje i osposobljavanje predstavlja prvi i osnovni uslov za efikasno izvršavanje zadataka u oblasti zaštite i spašavanja.

Obavezi bučavanja i osposobljavanja podliježu svi građani koji mogu sudjelovati u civilnoj zaštite.

Obučavanjem i osposobljavanjem građani, pripadnici civilne zaštite i druga lica stiču određena stručna znanja i vještine iz oblasti zaštite i spašavanja.

#### Član 52

Vrste tema, način obrade, lica koja učestvuju, mjesto i vrijeme kao i materijalno tehnička sredstva potrebna za izvođenje obuke utvrđuju se planovima i programima koje donosi direktor Federalne uprave civilne zaštite.

#### Član 53.

Obaveza obučavanja i osposobljavanja je utvrđena i za pripadnike civilne zaštite, odnosno za pripadnike štabova, jedinica i povjerenike civilne zaštite kao i za pripadnike službi zaštite i spašavanja.

### VII FINANSIRANJE

#### Član 54.

Osnovni izvor finansiranja civilne zaštite je Budžet Općine, a ostale izvore finansiranja čine: sredstva pravnih lica, osiguranja, dobrovoljni prilozii, međunarodne pomoći i drugi izvori utvrđeni ovim i drugim zakonima.

Služba za civilnu zaštitu i poslove boračko invalidske zaštite radi obezbjeđenja sredstava za finansiranje potreba zaštite i spašavanja može ostvarivati i dodatne prihode od obavljanja svoje osnovne djelatnosti.

Zakonom o zaštiti i spašavanju je ustanovljena posebna naknada, za finansiranje zadataka u oblasti zaštite i spašavanja, zasnovana na principu solidarnosti svih zaposlenih.

#### Član 55.

Minimum sredstava koja se trebaju planirati i obezbijediti u Budžetu Općine je 1% od ukupnog godišnjeg Budžeta Općine.

#### Član 56.

Programom razvoja zaštite i spašavanja se bliže određuju kriteriji za utvrđivanje visine i namjene sredstava za narednih pet godina.

#### Član 57.

Finansiranje civilne zaštite podrazumijeva finansiranje svih elemenata civilne zaštite.

Finansiranje rada Službe za civilnu zaštitu i poslove boračko invalidske zaštite obezbjeđuje se na način regulisan Zakonom o organizaciji organa uprave u F BiH ("Službene novine FBiH", broj:38/05).

Drugi dio sredstava iz Budžeta se odnosi na finansiranje poslova i zadataka u oblasti zaštite i spašavanja: u vrijeme prirodne nesreće, preventivnog djelovanja, otklanjanja posljedica od prirodnih i drugih nesreća, finansiranje rada Općinskog Štaba civilne zaštite i povjerenika i finansiranje rada Općinske komisije za procjenu šteta od prirodnih i drugih nesreća.

Planirana sredstava se mogu uvećati iz sredstava koja će se prikupiti po osnovu posebne naknade za zaštitu i spašavanje, a u skladu sa Zakonom i podzakonskim aktima koji se odnose na tu oblast.

#### Naknade u civilnoj zaštiti

##### Član 58.

Građani koji su namjerno ili zbog nepažnje prouzrokovali opasnosti radi kojih su nastali troškovi u otklanjanju posljedica, dužni su nadoknaditi sljedeće troškove:

- Troškove izvedenih zaštitnih i spasilačkih mjera;
- Troškove sanacije i dovođenja u prvobitno stanje;
- Troškove šteta fizičkim i pravnim licima.

Ako je više građana iz stava 1. ovog člana uzrokovalo nesreću, a ne može se utvrditi njihov pojedinačni udio, nastale troškove snose solidarno.

Pravo na naknadu troškova iz stava 1. ovog člana pripada onome ko je isplatio te troškove.

##### Član 59.

Građani, fizička i pravna lica angažovana u akcijama zaštite i spašavanja na zahtjev nadležnog štaba civilne zaštite, u skladu sa Zakonom, imaju pravo na naknadu i to:

- Naknadu za korištenje stoke, materijalnih sredstava i opreme;
- Naknadu za ishranu, prijevoz i smještaj kao i za druga sredstva potrošena u akcijama zaštite i spašavanja;
- Novčanu naknadu za rad zaposlenih i nezaposlenih građana;
- Naknadu po osnovu oboljenja, povrede ili smrti građana;
- Jednokratnu novčanu pomoć.

Sredstva na naknade iz stava 1. ovog člana dužan je isplatiti organ koji je naredio učešće ljudi i materijalno tehničkih sredstava.

##### Član 60.

Naknade iz člana 59. ove Odluke kao i rokovi za isplatu, se utvrđuju rješenjem po službenoj dužnosti ili na zahtjev građana u skladu sa Zakonom i drugim propisima.

##### Član 61.

Naknada za rad pripada i članovima štaba i poverenicima civilne zaštite.

Naknada iz stava 1. ovog člana je predviđena u dvije situacije:

- Naknada za rad u fazi provođenja preventivne zaštite;
- Naknada za rad u fazi spašavanja i u fazi otklanjanja posljedica.

#### Član 62.

Naknadu za rad povjerenika civilne zaštite određuje Služba za civilnu zaštitu i poslove boračko invalidske zaštite, a naknadu za rad članova štaba civilne zaštite određuje Općinski štab civilne zaštite u skladu sa Pravilnikom o načinu rada i funkcioniranja štabova i poverenika civilne zaštite ("Službene novine FBiH", broj: 77/06 i 5/07).

### VIII PRELAZNE I ZAVRŠNE ODREDBE

#### Član 63.

Ovlašćuje se Općinski načelnik da svojim posebnim Odlukama precizira i reguliše pitanja iz ove oblasti koja ovom Odlukom nisu obuhvaćena.

#### Član 64.

Popuna štabova, jedinica, službi i povjerenika iz ove Odluke vrši se obveznicima civilne zaštite u skladu sa Zakonom.

#### Član 65.

Danom stupanja na snagu ove Odluke prestaju da važe sve ranije odluke koje regulišu oblast koja je uređena ovom Odlukom.

#### Član 66.

Odluka stupa na snagu danom objavljivanja u "Službenom glasniku Općine Kladanj".

**OPĆINA KLADANJ**  
**OPĆINSKO VIJEĆE**  
Broj: 01-44-1457/09  
Kladanj, 30.04. 2009.godine

**PREDSJEDAVAJUĆI**  
Općinskog vijeća  
**Nijaz Čorbić, v.r.**

Na osnovu člana 42. Statuta Općine Kladanj ("Sl. glasnik Općine Kladanj ",broj: 1/01, 1/03, 2/04 i 2/05), Općinsko vijeće Kladanj na sjednici održanoj dana 30.04.2009. godine, donosi

**ODLUKU**  
**o izmjeni i dopuni Odluke o uslovima, kriterijima i postupku imenovanja**  
**u regulirane organe**

Član 1.

U Odluci o uslovima, kriterijima i postupku imenovanja u regulirane organe ("Sl.glasnik Općine Kladanj",broj : 1/04 i 2/08 ) u članu 3. u stavu 1. iza riječi „Općinski načelnik“ brišu se riječi „na prijedlog nadležne službe za upravu u oblasti privrede,poduzetništva ili oblasti društvenih djelatnosti“.

U istom članu stav 2. i 3. brišu se.

Član 2.

U članu 4. iza stava 6. dodaje se stav 7. koji glasi:

« Komisija za izbor dostavlja prijedlog rang - liste kandidata Općinskom vijeću.

Član 3.

Iza člana 4. dodaje se član „4a. koji glasi:

4a.

„Konačan izbor kandidata po provedenom oglasu vrši Općinsko vijeće, izuzev konačnog izbora na poziciju iz člana 5. stav 1. alineja 3. ove Odluke i u slučaju kada je konačan izbor kandidata, nakon provedenog oglasa, po posebnom propisu, u nadležnosti drugog organa“.

Član 4.

U članu 10. u stavu 1. iza riječi «Kladanj», dodaju se riječi :  
„ osim javnih zdravstvenih ustanova“ .

Član 5.

Postupci izbora započeti do usvajanja ove Odluke okončat će se po proceduri utvrđenoj u vrijeme raspisivanja oglasa.

Član 6.

Ova Odluka stupa na snagu narednog dana od dana objavljivanja u «Službenom glasniku Općine Kladanj «.

**OPĆINA KLADANJ**  
**OPĆINSKO VIJEĆE**  
Broj :01-05-1452/09  
Kladanj, 30.04.2009. godine

**PREDSJEDAVAJUĆI**  
Općinskog vijeća  
**Nijaz Čorbić, v.r.**

Na osnovu člana 42. Statuta Općine Kladanj ("Sl. glasnik Općine Kladanj ",broj: 1/01, 1/03, 2/04 i 2/05), Općinsko vijeće Kladanj na sjednici održanoj dana 30.04. 2009. godine, donosi

**ODLUKU**  
**o izmjeni Odluke o utvrđivanju načina, uslova i kriterija stipendiranja**  
**učenika i studenata**

Član 1.

U Odluci o utvrđivanju načina, uslova i kriterija stipendiranja učenika i studenata ("Sl.glasnik Općine Kladanj",broj:1/08 i 4/08 ) u članu 3. u stavu 2. na kraju teksta umjesto tačke stavlja se zarez i dodaje slijedeći tekst :

„učeniku generacije srednje škole i učenicima sa posebnim diplomama srednje škole“.

Član 2.

Član 4. mijenja se i glasi :

- „Svake godine stipendirat će se 2 učenika generacije osnovnih škola sa područja općine Kladanj i 24 učenika osnovnih škola sa posebnim diplomama,
- 1 učenik generacije srednje škole i 1 učenik srednje škole sa posebnim diplomama,
- 12 učenika iz reda srednjoškolaca,
- 4 izuzetno nadarena studenta i 31 student i to za :

I godinu.....	5 stipendija
II godinu.....	6 stipnedija
III godinu.....	8 stipendija
IV godinu.....	8 stipendija
V godinu.....	2 stipendija
VI godinu.....	2 stipendija.

Ukoliko se na određenoj godini ne prijavi dovoljan broj studenata koji ispunjavaju uslove, odnosno izuzetno nadarenih studenata stipendije će se rasporediti na ostale godine od najviše do najniže godine studija“.

Član 3.

U članu 5. tačka 3. se briše.

Član 4.

U članu 6. alineja 3. mijenja se i glasi :

„-da ima status redovnog učenika JU MSŠ „Musa Čazim Ćatić „ Kladanj izuzev škola koje nisu zastupljene u navedenoj ustanovi“.

Iza alineje 3. dodaje se nova alineja 4. koja glasi:

„- da ima status studenta koji prvi put upisuje školsku godinu“.

## Član 5.

U članu 7. iza alineje 1. dodaje se nova alineja koja postaje alineja 2. i koja glasi:  
„-učenici sa posebnim diplomama,“

Dosadašnje alineje 2., 3. i 4. postaju alineje 3., 4. i 5.

## Član 6.

U članu 8. stav 1. iza riječi „škole“ i zareza dodaju se riječi:  
-„učenicima sa posebnim diplomama osnovnih škola“, a na kraju teksta briše se tačka i dodaju riječi: „odnosno posebne diplome srednjih škola“.

## Član 7.

U članu 9. stav 2. alineja 2. mijenja se i glasi:  
„- Nagrade za osvojena prva tri mjesta:

I mjesto na općinskom nivou .....	3 boda
II mjesto na općinskom nivou .....	2 boda
III mjesto na općinskom nivou .....	1 bod
I mjesto na kantonalnom nivou .....	6 bodova
II mjesto na kantonalnom nivou .....	4 boda
III mjesto na kantonalnom nivou.....	2 boda
I mjesto na federalnom nivou.....	9 bodova
II mjesto na federalnom nivou .....	6 bodova
III mjesto na federalnom nivou.....	3 boda

Iza alineje 2. dodaje se nova alineja 3. koja glasi :

- „ dobitnici najvećih univerzitetskih priznanja :
- |                        |            |
|------------------------|------------|
| zlatna plaketa .....   | 10 bodova  |
| srebrna plaketa.....   | 7 bodova   |
| bronzana plaketa ..... | 5 bodova „ |

## Član 8.

Ova Odluka stupa na snagu narednog dana od dana objavljivanja u «Službenom glasniku Općine Kladanj «.

**OPĆINA KLADANJ**  
**OPĆINSKO VIJEĆE**  
Broj : 01-38-1453/09  
Kladanj, 30.04.2009. godine

**PREDSJEDAVAJUĆI**  
Općinskog vijeća  
**Nijaz Čorbić, v.r.**

Na osnovu člana 13. Zakona o principima lokalne samouprave („Službene novine F BiH“, br. 49/06) i člana 42. Statuta Općine Kladanj - prečišćeni tekst („Službeni glasnik Općine Kladanj“, broj: 1/01, 1/03, 2/04 i 2/05), Općinsko vijeće Kladanj na sjednici održanoj 30.04.2009. godine, donosi

## **ODLUKU**

### **o izmjeni Odluke o utvrđivanju plaće Općinskom Načelniku**

#### Član 1.

U Odluci o utvrđivanju plaće Općinskog Načelnika („Službeni glasnik F BiH“, br. 4/05) član 3. mijenja se i glasi:

*„Koeficijent za utvrđivanje plaće Općinskog Načelnika utvrđuje se u vrijednosti od 5,00“.*

Polazna osnovica za obračun plaće iz stava 1. ovog člana iznosi 60% od prosječne neto plaće zaposlenih u Federaciji BiH prema objavljenom podatku Federalnog zavoda za statistiku za prethodni kvartal.

#### Član 2.

Ova Odluka stupa na snagu danom objavljivanja u „Službenom glasniku Općine Kladanj“, a primjenjivat će se od 01.04.2009.godine.

**OPĆINA KLADANJ**  
**OPĆINSKO VIJEĆE**  
Broj: 01-14-1456/09  
Kladanj, 30.04.2009.godine

PREDSJEDAVAJUĆI  
Općinskog vijeća  
**Nijaz Čorbić**

Na osnovu člana 13. Zakona o principima lokalne samouprave („Službene novine F BiH“, br. 49/06) i člana 42. Statuta Općine Kladanj - prečišćeni tekst („Službeni glasnik Općine Kladanj“, broj: 1/01, 1/03, 2/04 i 2/05 ), Općinsko vijeće Kladanj na sjednici održanoj 30.04.2009. godine, donosi

## **ODLUKU**

### **o utvrđivanju plaće Općinskog pravobranioca**

#### Član 1.

Ovom Odlukom utvrđuju se uslovi i način ostvarivanja plaće Općinskog pravobranioca.

#### Član 2.

Prava utvrđena ovom Odlukom pripadaju Općinskom pravobraniocu od dana početka vršenja funkcije, do kraja mjeseca u kome je funkcija prestala, ako zakonom nije drugačije predviđeno.

#### Član 3.

Plaća Općinskog pravobranioca utvrđuje se tako što se osnovica za obračun plaće uvećava za dio po osnovu radnog staža.

Osnovna plaća uvećava se za svaku započetu godinu radnog staža za 0,5% stim da ukupno povećanje ne može biti veće od 20%.

#### Član 4.

Plaća Općinskog pravobranioca utvrđuje se po koeficijentu od 3,90.

Polazna osnova za obračun plaće iz stava 1. ovog člana iznosi 60% od prosječne neto plaće zaposlenih u Federaciji BiH prema objavljenom podatku Zavoda za statistiku za predhodni kvartal.

#### Član 5.

Općinski pravobranioac ima pravo na naknadu plaće u visini poslednje mjesečne plaće za vrijeme godišnjeg odmora, plaćenog odsustva i za prvih 30 dana odsustva sa posla zbog bolesti ili invalidnosti.

#### Član 6.

Općinski pravobranioac ima pravo i na druga lična primanja i naknade, kao i na naknade troškova u vezi sa službenim putovanjima (dnevnice, troškove prijevoza i sl.) u visini utvrđenoj Pravilnikom o plaćama, naknadama i drugim materijalnim primanjima koja nemaju karakter plaće, a koji se odnosi na državne službenike i državne namještenike.

#### Član 7.

Ova Odluka stupa na snagu narednog dana od dana objavljivanja u „Službenom glasniku Općine Kladanj“.

**OPĆINA KLADANJ**  
**OPĆINSKO VIJEĆE**  
Broj: 01-14-1455/09  
Kladanj, 30.04.2009.godine

**PREDSJEDAVAJUĆI**  
Općinskog vijeća  
**Nijaz Čorbić, v.r.**

